

四庫全書

集部

欽定四庫全書

文苑英華卷六百十五

宋 李昉等 編

邊防二

為崔僕射遣高正平論邊事表一首

為杭州李使君李藏用守杭州功表一首

為郭令公請停親征表一首

奏投降吐蕃表一首

為王尚書奏洛州事宜并進翻城副將李澄表一首

爲王大夫奏元誼防秋表一首

爲趙侍郎論兵表一首 代李侍郎論兵表一首

請赴行營表一首 論西戎表一首

爲崔僕射遣高正平論邊事表

代宗

于昭

臣某言去五月日已差知衙事表遙獻狀露誠工塵聖德猶恐帳下之士未盡對敬邊隅之要不復專達今害馬已去時政鼎新期於昇平天下屬望臣叨榮冒寵十

有二年雖夙興夜寐將補不足智小任大其缺實多臣
某誠惶誠恐頓首頓首伏惟寶應元聖文武皇帝陛下
纂戎立極俯鑒下人思無不周明必以察故得迷道自
返橫波易流搜遺逸以在庭叶夢卜而作相頒命布德
奉天順人海隅蒼生孰不遂性臣僻守三蜀跼蹐一方
想通籍而轉踈望賡歌而莫及頃者正月之役中路詔
還雖迫外懷之虞頗貽膚受之愬嘗膽空知其有苦剖
心無足以自明未知此生朝拜何日臣本道度支判官

檢校虞部員外郎高正平佐臣理戎積有年歲文學政
事不忝前脩應緣三軍遠支近費無巨無細一與臣同
陛下初擇宰臣旁求利害勒赴庭闕以代臣行近日山
西將軍頻執蕃邏詢其動靜確有所傳必擬橫分劍門
圖陷全蜀其勢甚大必在防虞正平此行臣意兼切伏
乞聖鑒俯垂聽納則內獻心腹外執干戈王室有開萬
死無恨心馳魏闕不爲身謀望斷玉關終期生入無任
奉國忘家之至奉表陳懇以聞

爲杭州李使君論李藏用守杭州功表

武宗

獨孤及

臣某言臣聞當逆賊劉展擁兵過江之日變起倉卒鋒
不可當人心動搖物情危殆

集作駭

五道節制望風潰散

自淮而南至於海隅遂無敢保一城能守一節者惟少
府少監李藏用以宗室近屬憂國如家臨危抗憤忠勇

奮發收聚散卒糾合義士

集作師

挺身履險出萬死一生

之地與賊轉戰堅守蘇州相持經月殺獲過當使凶賊

徒

集作徒逆

黨鋒銳

挫衄自此王師始

集作載

張賊衆知懼其

後以外援不至衆寡懸絕遂移師就嶮

集作險

退保杭州

當此之時江淮諸軍已散平盧之師未至三分全吳賊

有其二藏用且募戰士

集作且戰

獨守孤城以忠義感激令

驍雄樂用旬月之內致死士三千賊遣僞將張景超孫

待封等盡銳率衆分道來攻藏用與士卒等戮力一心

義形於色殊死決戰奮不顧身遂能兵鋒所加無不摧

陷皆一舉盡敵覆而屠之前後俘斬虜獲至數萬計向

使微夫人之力扞此州之境則江介土宇盡爲戎疆海

隅蒼生非復我有由是浙江之西集作外南至閩嶺士庶

免有波迸道路窮寇不能集作塘突藩籬集有屏息二字風波

宴然百姓樂業父不喪子兄不哭弟藏用之功也今都

統使停本職已罷孤軍無主莫知適從將士嗷嗷未有

所隸天聽高邈無人爲言遂使殊勳見委忠節未錄口

不言賞賞亦不及伏恐非聖朝旌有德表有功之義今

逆賊雖殄人心猶攜山洞海島徃徃結聚睦州草竊爲

靈尤深惟憚藏用之兵是以未敢進逼若此軍一散必

群盜交侵則臣此州危亡是懼伏望早降恩旨以荅其

勤惕之勲榮委以集作戎政俾揔統領以鎮遏江表

實江東萬姓顛顛之望艱難之際人多異言集作以宗

子維城智勇如此必能使寇賊姦宄不敢窺伺間隙江

淮足以高枕而卧陛下無有集作東顧之憂臣屬忝葭

莩任居牧守安危之分臣賢預焉無任懇款之至

爲郭令公請停親征表

代宗

前人

臣某言經畧副使太子右諭德傅濤至伏承鑾駕欲有
親征恭聞聖旨載惶載懼臣以薄劣謬揔元戎受命於
朝成師以出雖志期靖難而力未摧克邦甸多虞有貽聖
慮遂使六軍雷動七萃天行臣實無能萬死餘責然臣
面辭之日已具奏聞假令寇賊猖獗猶願陛下務於持
重內安宗廟外固人心臣之素懷正在於此縱微臣智
力淺短終無所成陛下仍須別擇英才授之師律豈有
事非至切便欲親戎誠恐上國衣冠自生震恐遠方士

庶更有驚疑以臣觀之竊謂非便克虜傷沮其勢式遏

集作其運已窮

天威赫赫所向皆靡陛下責成之日愚臣死難

之秋伏望付臣以專征委臣以集事回鑾上國端拱中朝豈惟微臣受賜抑亦萬方幸甚謹奉表以聞

奏投降吐蕃表

于公異

臣某言臣聞夏禹興師西戎即叙漢宣嗣位北狄稱藩則知自古帝王未有不先文德而後甲兵撫諸華而柔荒服然後一作則列在墳籍號爲昇平伏觀今月某日吐

蕃東道節度南奔息下吐蕃浪斯多斯獵人并馬十五
疋投降者此皆聖澤昭宣太和廣被夷狄一作戎狄左衽邊
徼無虞臣某中謝伏惟皇帝陛下以至聖統業以大明
乘時休戰伐於阪泉布風教於宣室化無不洽俗無不
賓獨西蕃累犯邊疆自爲崛強多從戰敗少有生降今
者之來實異於昔蓋以違天已久負約頗深竊盜河湟
震驚邊鄙神既惡稔時將可誅漸開離析之端是叶恢
張之運臣獲受榮遇方摠藩維當臨斬戎王將置藁街

之下提封漢境願窮葱嶺之西萌兆在茲不敢不賀無
任喜抃之極

爲王尚書奏洛州事宜并進翻城副將李澄表

德宗

前人

臣某言自元誼亂常已經寒暑王師討逆久未凱旋臣
待罪轅門若臨泉谷渠魁未滅寢食不寧臣某中謝臣
自春初以來便爲持久之計控引洛水環繞賊城築室
反耕示其安堵冀憑廟略克剪兇徒臣所設隄防頗爲

堅厚秋來軍用又勝常年壠畝之間不知賊在臣與弟
五守進商量且務撫綏最爾一城偷安咎刻今水勢滋
漲營壘安閑惟務訓師未嘗徹警賊城之內是物皆竭
狡計已窮頻有降人審知實事臣若四面谿一作水一
向取城量力校功計日當克筭其日數以待地乾須至
冬中水凍然後可事集或慮亡命之賊伺隙奔馳兼恐
猖狂之儔爲之聲援若但以水力爲灌澍不停旬月之
間賊城必壞中則促其急變外則伐其異謀不假梯衝

不費戈甲竊思上策實謂萬全况秋風漸高寒氣已至
城中士健懸望冬裝其元誼等無可支持惟行誑惑既
以迫其凍餒仍更苦其勤勞據此事情即當變潰昨
者將軍劉南華等溺死臣已奏聞訖臣緣得城中款疏
皆願歸降前後尅期非止一度臣若不使人接應有似
拒其輸誠若不激其義心即何以勸其効命所以事須
赴約有此差池伏惟聖鑒俯賜詳覽其城所與計會前
後帛書謹錄白并元本同封進所謀翻城人四面知敵

副將李澄臣已補充衙前十將伏恐皇情憂軫要親問
事宜臣謹令隨崔烈入奏云

爲王大夫奏元詡防秋表

德宗

王行先

臣某言洛州元詡等防秋將士以今日日盡一作發上

教

發上

道訖氛沴清廓藩維底寧臣某中謝伏惟皇帝陛下玄
德昇聞鴻猷允洽致生靈於富壽均覆載於乾坤舞兩
階之干而苗民有格收三面之網而庶類知歸頃者元
誼等竊據城池載經寒暑陷危疑之死地抵逗撓之刑

章遠業逋誅視陰假息臣統茲卒乘臨問郊坰不能執
桴鼓於行間盡敵而反擁旌旗於閫外胡顏自安每貽
宵旰之憂實負春秋之責伏以陛下好生宥過軫悼發
哀許其悛心納其請命俾遵向闕之路使足勤王之師祇
星見日而自銷喜氣乘春而乃發凡在率土孰不歡心
况臣所部實增忤躍臣恨以職拘戎旅不獲稱賀闕庭
無任悚戀屏營之至

為趙侍郎論兵表

代宗

此表當在
德宗之前

臣某言臣聞慰理之代不無逆節軒轅用師於中冀唐堯出征於丹浦啓戰有扈文王伐崇以至聖除至兇至順除至逆或小戰而勝或因壘而降誠審於用兵得其道也伏見承嗣旅拒倏已再歲靈曜跋扈今又踰時天兵四合竟未殲殄得非千慮一失未盡制敵之方乎臣常終夜不寢詳推其故不敢膚引遠古安危之體請以天寶至德以來成敗言之夫以祿山陰深姦矯真巨猾也兇詐逆謀之計亦無元海石勒之流當其發幽燕陷

洛陽涉洧函傾秦雍當國家理平之運忘戰日深初命將出師若封常清高仙芝哥舒翰程千里遇寇必敗奔北相望此則未究敵情小之而不設備以至於是先聖寤既往之失苦心焦思發號靈武觀兵鳳翔良將勁卒風馳景附勇者爲之用智者効其謀命陛下爲元帥以儲貳之重威四遠俾子儀爲副以節制之任鎮九軍卒能恢復咸洛削平寓縣此先聖之雄略陛下之有憾也其後相城之役陛下不行衆無適從竟以潰奔洎思

明繼逆毒甚祿山狡筭猖狂抑又有次光弼守河陽以挫其勢朝思鎮陝服以制其侵陵竟未能覆其巢穴屬陛下紹興皇極又命元子爲帥俾懷恩爲副以討之復能梟夷巨逆抵定東夏始自先聖與二兇相持無帥則無功有帥則有克士庶之所深知今河北河南更唱迭和然其用兵暴急與曩者二兇懸殊非惟才之不逮抑亦事之有異祿山思明之卒死而無退今承嗣靈曜之衆豈有是耶祿山思明之馬既多而且逸今承嗣靈曜

之騎豈可方耶祿山思明橫行而無懼今承嗣靈曜深居而入保臣竊料其非不欲也蓋違天道失人心歸之退而自固其滅亡之兆了然可知幸北有寶臣朱滔與承嗣合勢西有忠臣李俛與馬燧連衡惟正已小有逗遛未肯戮力此正當陛下命帥專征之日豈可持疑而不斷哉儻陛下採臣愚計時有臨遣忠淳者必叶心競進携二者必遷善來同未踰旬時當有成績如或務於含垢偷以過時不立元帥寄之諸將乘吐蕃寇盜曲紇

毆侵人心動搖賊勢滋蔓事宜一失無可柰何則吐蕃回
紇四支之病豕嗣靈曜腹心之病四支不理未足爲憂腹心
或病此則爲患若內外受敵膏肓已成雖逢和扁計疑作針藥

無及又聞二賊奏請言詞不恒河北則數云請降河南則云

今已翻賊豈遷延晷刻以候一作至西郵有虞伏惟與公卿大

夫審圖利害在於神速不可遲回昔諸葛亮聞孫權破

曹休軍因上疏蜀主云群疑滿腹衆難塞胸今歲不征明年

不戰使孫策坐大併有江東蜀主深感其言終以覺寤臣

忝六官之貳待罪朝行內慙塵忝無補毫髮近者抵冒輒上
封章已歷兩旬未蒙召見伏以君臣之際家國共同君安臣
榮國危家敗此臣所以竟夕不寢伏敢再陳其愚伏願省臣
前章覽臣此疏天下幸甚天下幸甚無任惶懼之至

代李侍郎論兵表

集作代論伐劍南
更發兵表 憲宗

呂

温元和
元年

臣某言臣伏見某月日詔旨更發太原鳳翔及神策諸
鎮兵赴劍南東川者陛下睿算無遺神武必斷與人除

害順天行誅奮如霆之威乘破竹之勢期於久逸無憚

一勞大正國經永清時稜百王盛事千古英聲天下幸

甚然或時事之可否兵家之利害

集作病

道途之險易將

帥之宜稱不可不深圖遠計原始要終狂夫有可擇之

言愚者有一得之慮管窺所至願効微誠

集作忠

臣竊以

爲古今用兵皆在將勇師和政齊計勝不必多兵廣衆

然後成功今高崇文等諸將所統已約一萬五千餘人以

整擊亂以順討逆授以集作廟算假之天威馘醜挫兇

需有餘力若更多徵征鎮廣命師旅

集作合師

臣竊計之其

患有五一則高宗文素非大將拔自偏鎮忠勇雖著威

聲未振

集作洽

本兵既少兼統則多將皆權隸士非素撫

雖是銳師勢同烏合居常則猶可脅制臨敵則何以指
揮非惟崇文才分有限此亦自古兵家所難臣不敢廣
引載籍上煩聖聽請直以近事明之哥舒翰潼關之守
郭子儀相州之圍韓全義激水之役皆以兵多將雜而
致敗歟許叔冀之保靈昌李光弼之全河陽李晟之收

復京邑皆以兵少將一而建大功成敗昭然布在人口

二則貞元以來天下無事四方節將人各懷安陛下覆

燾惟新理先清靜今以西南小醜久稽天誅自春徂夏

集作冬非徵發已廣見在兵力破賊有餘若更務濟師屢聞

動衆山嶮集作劍深阻暑濕爲沴北人南役誰不憚行去

土離家動生愁怨往年涇州叛卒職此之由事繫安危

不可不察三則吐蕃約盟集作好未定窺伺在心間謀往

來急於郵傳又必持兩端之計與劉闢交通若聞發兵

西南多亂

集作取

邊鎮秋風即至虜馬已肥冒隙乘虛必

有侵軼事出萬一悔何可追四則劉闢窮寇保險逃死

雖禍淫助順天道甚明而兵凶戰危人事難必脫或貌

虎之師少不如意蜂蟻猶聚假息旬時攻守之間動須

應援固當潛鋒養銳以逸待勞今便悉兵後將何繼五

則劍川硤壻居人食且不充蜀路險艱餉運無由多致

今屯兵日費何啻萬金數州麥粟貴糶

集作糶且

將盡千里

飛輓所濟幾何若更加兵實難供贍一夫脫有菜色三

軍無復鬪心幸可少以成功何必多而為

集作
成非

患今太

原及神策等軍已上道者其數頗多足辦戎事其鳳翔
等鎮未發之兵伏乞聖恩且勒權停續候事宜以議行
止臣謬膺重任過蒙恩遇輒率狂瞽輕黷宸嚴苟利國
家甘心鼎鑊無任兢惶懇迫之至謹奉表陳奏以聞

請赴行營表

為淮南杜相
公憲宗

劉禹錫

臣佑言臣自守淮濱已周星紀虔奉朝典粗安遐方素
効未聞新恩荐及身曳兩綬寄深一隅蚊蚋負山力誠

不足鷹鷂逐鳥志則有餘臣再授兵符夙叅軍幕被堅

執銳雖未經於戎行受制

集作制勝

伐謀亦嘗習於事業自

忝藩翰屬時清平無施汗馬之勞但詠鞞橐之什今則

遭遇殊獎委之專征以臣率先是臣素志况聞徐州士

衆本無叛心倉卒之間危疑至此臣請自臨疆場親領

紀綱裂帛繫書諭其禍福椎牛饗戰士養以威聲冀宣皇

風照茲蠢類以忠義感脅從之伍以含弘安反側之徒

革面悅心期乎不日其揚州留務請令行軍司馬路應

權知伏乞聖慈俯賜照鑒

論西戎表

為淮南杜相公憲宗

前人

臣佑言臣一辭闕庭已經二載官當重任身受厚恩既懷子牟戀闕之心又負臧文竊位之責所以歌頌聖德裨補歲規塵露至微不任懇迫臣遠祖詩顯名漢代出牧南陽謹言善策隨事獻納忠醇之至聞於中外遺風可襲有激愚衷臣是以輒竭聞見粗陳梗概雖不盡陛下聖明萬分之一然臣子之心有直必獻伏唯皇帝陛下

下德合天地道躋文武弛張普博上

集作事

法陰陽氣均

生成人需亭育凡是氛沴覆以春和銷除容納皆如聖

意寬宥肆赦實賴皇明河中誅鋤不勞兵革淮右底定

不戮一人慶浹萬邦事出千古近又西戎背約寇犯王

師陛下弘貸

集作貸其

豺狼矜其兇悍布以恩澤果此知慚

功因德成不以兵革

集作制

故詩云獫狁孔熾書稱蠻夷

猶夏臣觀自古帝王不忍小忿貽大患故竭耗中國盡

心邊陲至必滅昆明之城平大宛之種豈足發揮皇猷

增榮簡冊故賢哲之論薄衛霍之功陛下鏡歷代無益
之端脩大君文德之教遂得北狄深藏五城晏閉百蠻
嚮化四海無虞惟此小蕃尚迷聲教陛下示之大信弘
以舊恩雖闕防暫驚而烽燧旋罷臣負思方鎮初懼寇
戎正於憂迫之時果聞仁聖之諭攘却兇孽不勞干戈
臣靜思遠圖爲國久計莫若存信施惠多愧其心歲通
玉帛待以容禮昭宣聖德擇奉誼之臣恢拓皇威選謹
邊之將積粟塞下坐甲關中以逸待勞以高御下重其

金玉之贈結以舅甥之歡小來則慰安大至則嚴備明
其斥候不撓不侵則戎狄爲可封之人沙場無戰死之
骨若天下無事人安歲稔然後訓兵命將破虜摧衡原
州營田靈武盡復舊地通使安西國家長筭悉在於此
計熟事定舉必有功苟未可圖豈宜容易此皆陛下朝
夕倦談之前後立驗之謀臣質性頑踈籌畫庸近受
恩非擬敢忘獻忠犬馬之心實所罄盡謹遣某官奉表

云
云



文苑英華卷六百十五

欽定四庫全書

集部

文苑英華卷六百十八

六至

詳校官給事中_臣李臺

助教_臣常循覆勘

總校官進士_臣朱鈞

校對官中書_臣王瓚

謄錄監生_臣陳煜

欽定四庫全書

文苑英華卷六百十六

宋 李昉等 編

邊防三

此田倉
狀附

論西川討賊表一首

論討西戎表一首

代裴度論淮西事宜表一首

代韓僕射諫伐淮西表一首

代王僕射諫伐淮西表一首

代淄青諫伐淮西表一首

宰相諫罷討伐請不幸奉天表一首

請置屯田表一首

論廢楚州營田表一首

請修義倉表一首

論萊州置監牧及和市牛羊奴婢表一首

論西川討賊表

憲宗

元

稔

元和初

臣某言伏見賊闢有不庭之罪陛下尚覆露以待之此誠陛下罪已泣辜之仁也微臣又何足以識之哉然臣聞之天之所以爲天者以其能化物也物之性不一故

天之道有和煦震曜之異焉始其生也董集作之於集

非幽伏被之以春陽扇之以仁風潤之以膏雨則百果

草木之柔者順者油然而生矣及夫勾曲角觫堅本頑

心凝者滯者幽者蟄者扇之以和煦而不出潤之以膏

雨而不滋則必迅之以雷霆曜之以威赫然後頑滯之

心改幽蟄之氣宣豈天之道仁於彼而屬於此乎化與

不化之異也是以蚩尤之作亂黃帝鑄五兵以殺絕之

共工之行惡虞舜揭五刑以放死之豈不欲夢華昏舞

干羽而躋之於仁壽哉蓋不可化也及夫舞干而適至
因壘而來歸此又物之可化者也豈黃帝虞舜文王之
德有優劣哉蓋蚩尤共工與苗人崇人之罪有深淺也
今陛下法天之德與物爲春凡在生成孰不柔茂而叢
爾微醜天將棄之寘蝨賊於其心假螻蟻以爲聚忠臣
孝子思得食其肉而快其心久矣陛下猶聳之以名爵
導之以訓誥崇之以寵章而不至假之以旌鉞而益驕
戕賊我忠貞損污我仁義人人不勝其憤有司不忍其

威是以違陛下匿瑕含垢之仁順皇天震曜殺戮之罪

集作

用此誠天下人人快憤激忠之日也陛下猶思因量

以降之舞干以化之善則善矣其如天下之憤何其如
天下之憤何臣願陛下可有司之奏法皇天之威與公
卿大臣議斬叛弔人之師以快天下人人之憤天下幸
甚微臣無任懇悃嫉惡之至謹詣東上閤門奉表以聞

論討西戎表

前人

臣某言臣某月日蒙恩顧問竊見陛下患戎之意深矣

自貞元已來國家所以甘億兆之費於塞下蓋以犬戎有侵軼之患而邊人思守禦之利也然而河湟之地日削田萊之業日空塞下之人日亡戎狄之心日熾若此

無

集作非

他不得備戎

集作之

之術也且臣聞之君之命帥

帥之命將將之使卒猶心之使臂臂之使指然後敵可擒而軍可制也今之屯戍者則不然衆其城堡異其師長獲一馬則圖功虜一戎則告捷至於屠縣道掠方人則曰使之

集無此二字

力弱不足以應敵援寡不足以摧克

苟謹閉繕完不失其守者則朝拜議賜集作之不給又

孰肯摧鋒刃冒殊死而出入於係虜哉此又非他衆分

力散而責帥之刑無所加也而又加之以爲農者不教

戰屯聚者不兼農寇至則卒伍被甲而乘城野人空拳

以應敵此又耕種之術不脩而屯聚之兵旗作太逸也

今夫邠岐汧隴之地皆后稷公劉之所理也土宜植物

人務稼穡陛下誠能使本道節制廣於荒隙大建屯田

塞下諸軍除使令防守之外一切出之於野限之名田

復其租入然後因其阡陌制之閭井由

集作因

其卒伍樹

之師長固其滕塹以備不虞犬戎適至則有連阡接畛
之兵戎騎纔歸則復耰鋤獲耨之事若此則曩時之聚
食者盡歸爲服勤之農矣前此之係虜者盡化爲守禦
之兵矣不三五年間塞下有相因之粟邊人無侵軼之
虞陛下又董之以良帥威之以必刑則彼瑣瑣之戎陛
下將署其君長征其牛羊奴虜以擒之可也螻蟻以攘
之可也又何必詢王恢使蘇武用晁錯訪婁敬而後復

河湟稱即叙哉此御

集作備

戎之大畧也方今猶有急於

此者臣敢冒昧殊死而言之臣聞善奕碁者將劫其碁必固其羸是以敵可殺而地不危今庸蜀有犬吠之驚

南蠻無貢賦

集作絕貢誠

之路陛下又輟邊將以統問罪之

師脫或蜂虿相守尚稽天討兵連不解綿夏涉秋則犬戎乘釁啟心之日也陛下其圖之愚臣無任懇欵憂惶之至謹詣東上閤門奉表以聞

代裴度論淮西事宜表

韋嗣立

臣某言臣伏以方岳之任職主分憂苟事涉安危利深社稷詞得專達臣敢備言是用輕冒上聞伏惟少紓僅踰數月朝廷未議所伐臣恐日長姦謀彼將膠固士心必希徼幸啗利滋蔓事則難圖當其人情尚搖足以觀釁臣自聞少陽權主留務衆未甚寧昨知少誠之子誘扇其軍又以誅戮天其或者勦絕姦類大振皇綱陛下得上順天心乘時廢置而又謀之遲久臣竊爲陛下惜之何則夫以少誠怙兵偷安二十餘載恩惠自己人

知素懷衆之所懷必厚其此一字無子弟其勢以分臣度具

聞不與者半所以人心持兩至有動搖以斯觀之或未

盡附少陽又以新殺其子必有疑衆之心今若及未寧

出於不意擇四方節制之臣可爲其帥者使馳而入之

移少陽於他鎮以待之彼得一作被所安必効順承而

無固衆之志則其黨自離心矣因其所離而制其命何

求而不克哉易所謂見幾而作不俟終日然以方布大

信不宜隱情若先命中貴他日奉明詔將告易位以誠

諭之從而後行事可以濟臣又度當今節制可以處淮

西任者莫若河中節度使王鐔寬厚慎重練識軍情必

能悅慰羣心鎮撫疑黨若將移鐔於淮西而俾一無與

少陽不遠矣朝廷立一無遷授之權而內足以除姦靈

之本使少陽感恩以効命王鐔推誠以蒞衆是淮西絕

繼代之業朝廷存弘貸之德亦將以息河北狐鼠之勢

示去逆效順之利自然風靡以承化從此不希於苟得

矣斯事體大伏惟陛下行之議者以為少陽兵戎賊臣曾

居叛黨若將易處於關輔之地寵任以兵戎之權何異夫朝四暮三而終不離其數是不然也夫根深者難拔源長者難絕彼盤結衆根其人久矣我能絕之使安植施於他以變其所庸非至計乎且事不先漸化之道而欲頓歸於大政亦難矣方今征豢宗以名聞於天下者豈不恃衆違命邀爵乎若使少陽復而行之則其罪均矣不可獨赦則必分師以討之當淮楚災旱之餘征賦耗竭之日是使蒼生興流亡之歎甲兵無暫息之時上

以傷陛下子育之心下以竭邦賦資用之費得不審慎其舉而保其成美哉伏以國家艱難已來河北戎臣竊據州郡父歿子代兄終弟及皆朝廷稽緩其事不時即謀使生人之心率以沿習爲患久矣陛下神略獨斷超冠百王事當其機宜以時草臣不勝誠懇悃欵之至

代韓僕射諫伐淮西表

張述

臣某言某月日中使某至伏奉手詔兼宣聖旨以淮西事體令臣謬竊藩隅每慙叨忝職惟承命恩深隕越一作

思不越人陛下特迂宸聽議及凡品累從聽之德慙啟聖之

才感恩徘徊難酬寵遇敢不罄陳愚瞽竊備菑莠伏以

少陽男元濟不取聖裁擅理戎務國有常典罪必當誅

或恐淮西一使曾經反側衆情所裁覲自偷安元濟此

時求免無路陛下式遏為心死寇一無此二字固合深除剪

滅猥蒙詢訪無有寇能不死勢必萬全天討淹留衆心

前却則干戈難弭殺戮滋深陛下愛人之心異殷湯釋

網之意伏願與輔弼信臣朝廷碩德平章利害以取厥

欽定四庫全書 文苑英華 卷六百十六 八

中使兆庶安生四方蒙福實天下幸甚豈惟臣一方臣

所部兵馬排比有序但思報國恭候指揮伏惟賜鑒微

詞俯察愚懇輕陳睿烈慚懼伏深云云

代王僕射諫伐淮西表 王計

臣某言中使至奉詔兼宣口勅以彰義軍節度使吳少

陽不起所疾奄謝明時聖情追念藩臣良深軫悼少陽

男元濟不待朝旨自領軍戎陛下尚念舊勳特頒詔命

冀其追悔未即加兵以臣諺列方隅俯賜宣示絲綸遠

降天使存臨祗奉睿謀仰荷玄澤亮臣微賤素無識知

猥蒙恩私訪以去就其於利害臣所難言以臣旋觀誠

在天斷伏以陛下內有輔弼外有勳賢咨廟筭可以叶

宸衷審政議可以正天下如臣庸瑣備位藩屏為將非

衛霍之儔在朝無絳灌之烈徒以虛承重寄苟竊明時

每荷寵光載懷兢惕豈敢輕塵聖聽以冒天威彷徨靡

寧進退維谷臣有愚懇思欲上達况承天問敢不奏陳

伏惟陛下光有萬方子育兆庶安危所繫實在陛下忠

欽定四庫全書 文苑英華 卷六百十六 九

於陛下者則獻弭兵之謀諂於陛下者則獻用兵之計

臣性本專直心願竭忠苟徇群情是惑宸聽臣若勸陛

下韜兵匿甲則淮西受賜又慮多士橫議微臣以臣私

情有何阿黨二途之內伏俟聖裁臣於藩閫之中名位

最下雖陳鄙見豈副天心其有不載表章附李誠義聞

奏伏希玄造俯賜明鑒限守戎律不獲陳露闕庭

代淄青諫伐淮西表 陸行儉

臣某言臣聞忠以事君則正其詞所以誠臣也詔以事

君則偽其辭所以諛臣也臣以多幸生逢昭代受方隅

之重寄藉

一作竊

日月之餘輝荷寵益深殺身難報而心

尚謇直志無回邪苟利國家敢無隱一昨中使李誠義
銜命遠降軍中蒙以淮西事宜俯賜宣示跪捧宸諭枉
受德音仰荷自天之恩下訪列藩之將恭承聖問思露
下情芻蕘之言慮有塵黷誠義迴日已附表奏聞雖詞
達於上而誠款動天彷徨轅門懼獲罪戾伏以堯舜在
上伊臯立朝陛下謀及宰臣詢於卿士並以弼諧帝道

匡贊皇猷在臣何知豈宜獻計然臣擁旄歲久受國恩
深玄造未酬赤誠空竭得申犬馬之志敢逃湯鑊之誅
仰天誓心白日所鑒伏以陛下君臨萬國子育兆人覆
載所均無遠不至溥天之下孰非王土率土之濱孰非
王臣永言雨露之澤豈隔遐邇之人今少陽云亡胤子
在疚賞未追於後嗣兵已纏於四郊然則一方之人豈
非陛下聲教所加盍示懷柔俾霑恩信竊料中外日獻
章䟽來陳所見以惑上心夫爲奸邪者則願師旅存興

秉忠誠者則願干戈再戢群情不一豈叶大中伏望聖
明燭幽宸鑒及遠誠宜辨邪正於衆口斷可否於萬幾
擇善而行從諫則聖如臣愚直謬竊寵私不敢以息兵
沮一作議今所上表貴以直書非敢私於淮西誠願安
於宇宙不然者恐煩聖上之慮有費天府之財不惟塗
炭一方誠亦憂危四海盡忠於國者猶自銷難不忠於
國者因此生禍國之理亂實所攸繫伏冀陛下弘以好
生之德降以推恩之典使死者獲媿於幽壤生者盡節

於聖朝凡在臣子孰不幸甚陳露愚懇輕冒天威周章
失容進退無據臣限以戎閫不獲陳露闕庭無任憂惶
隕越之至

宰相諫罷討伐請不幸奉天表

錢 珣

臣某等言伏以伐叛興戎國之大事有不得已然後行
之而食在兵先兵居謀後餽餉必足經略無遺得必勝
之帥臣有可用之勁卒然後更度利害熟計始終以是

興戎乃可伐叛昨者陛下以某臣節有虧嘗犯天怒而易其鎮守猶示渥恩遷延未行包藏難測聖慮潛察慮斷勇為爰命宰臣使奉成筭臣等雖承嚴旨敢不深思實以國用方虛軍糧難濟藩垣調發深恐依違兼量於足食足兵二者皆所未備况去秋寇孽犯順鑿輅出居宗廟震驚士庶流落尚賴皇威所被大憝尋平宮闕復清生靈全活今纔周歲始得稍安至於畿甸之間尚有瘡痍之疾一作患臣等所以累因敷奏具寫便宜且乞明

聖一作聖明

更詳事理緩謀周慮全體養威必使盡叶事機

而後重行討伐愚誠無感睿志不移旬月之間血誠備
瀝事行已定不敢復言昨日仰奉天顏密承聖旨又欲
出幸近縣親督戎師仍慮寇盜奔衝且貴城壘堅固特
令臣等更共平章祇稟宸嚴敢不傾竭蓋陛下將恐姦
兇遽至奔軼遂欲先居高壘免動驚塵備審睿懷切在
於此又以爲出臨戎事促詔藩臣督集卒徒以速誅剪
言於常理固合所宜然臣披抉腹心陳其數事一則伏

思朝廷今日之事與建中之難不同當時猛將如雲謀
臣如雨國贍九年之蓄兵持百勝之權德宗皇帝出幸
奉天以為長策一旦懷光繼叛晷刻難安遽遠宗祧遂
奔梁漢陛下視將帥之材與粟帛之積得如當時否天
下盡忠之力赴難之心又得如當時否以此度量實恐
稍難二則陛下雖處奉天之固不可遽棄京師忽使姦
謀馳於間道直趨闕下一作城闕大縱戕殘陛下隔在孤城
衆軍各圖其利謀危救亂欲仗何人三則士庶疑懼之

心尚賴宸極安止若使鑿鈴順動禁掖頓空則萬姓之心一時何仰况輕違廟社遽捨生靈自古帝王未嘗至此四則秋序肅殺之氣全一作在西方昨者冒此用兵犯陰陽大忌今陛下以一朝之怒忽萬乘之尊遠出皇居又衝王氣忝為臣子復列宰衡苟不盡言是負聖德五則凡有天象之變所以儆動帝王昨者妖星頗多陵犯陛下深知戒懼且降德音兼有禳祈欲銷災咎而銷災之本全在清靜無為今則伐叛用兵天心不易又欲

當災星謫見之後衝王氣以征行訪於匹夫亦知不可
惟此五事敢不具言今則實在陛下英朗䟽通且思守
位以陛下語臣二者之意評愚臣五事之言裁在宸衷
以安大事去此就彼聖慮自深輒貢直言難逃罪戾臣
某等無任惶越懇激之至

請置屯田表

張說

臣某言臣聞求人安者莫過於足食求國富者莫先於
習耕臣再任河北備知川澤竊見漳水可以灌巨野淇

水可以溉湯陰若開屯田不減萬頃化萑葦為秔稻變
斥鹵為膏腴用力非多為利甚溥諺曰歲在申酉乞醬
得酒來歲甫通春事方興願陛下不失天時急趨地利
上可以豐國下可以廩邊河漕通流易於轉運此百代
之利也當今國儲未贍邊軍未息靜人農業願留聖意
亦嘗賜前階之食承後騎之顧竟唯唯而無言者豈敢
隱情於聖主哉集作也正以職在伏衛憂於部伍馬上非
公議之所囿遊非朝廷之事今昧死上愚見乞與大臣

籌謀速下河北度支及溝渠使檢料施功不後農節謹
附賀正使隨軍前曹州考城縣尉同希再奉表以聞謹
言

論廢楚州營田表

為淮南杜相
公憲宗

劉禹錫

臣某言中使曹進玉至奉宣聖旨存問兼賜臣墨詔以
楚州營田廢置事令臣商量奏者跪捧天書恭承睿旨
道存致用義在隨時云云伏以本置營田是求足食則

徒有糜費鮮逢順成刈穫所收無裨於國用種糧每闕
常假於供司較其利害宜廢已久比來循守舊制不敢
輕有上陳皇明鑒微特革斯弊取其田蓄授彼蒸黎仍
俾薄租誠為至當但以田數雖廣地力各殊湏量沃瘠
用立程度臣已追里正與商量利便謹具別狀奏聞伏
惟聖慮俯賜詳擇

請修義倉表

齊 暎

臣某言臣聞荷覆載之德者願酬天地之仁懷涓埃之

助者冀禔海岳之大所以思或出位知無不為况臣受
寵過深感恩逾切不竭忠以自效是盜祿以苟安臣其中
謝臣伏見一時憊雨一穀不登黎庶以闕二不知卿士

以月俸自恃竊惟聖慮已積憂勤凡在人臣何以安處
昨者自春接夏時雨暫憊陛下心憂於清穆之中躬禱
於靈池之上精誠所至昭感遂通祥禽呈瑞於御前膏
雨布澤於天下遂使百穀皆稔九土大豐國無不獲之
夫代成廉讓之俗斯乃皆由聖德上合天心顧此齊人

俱受其賜此何異開口待哺澡身仰衣豈知宸衷一作心

不可常勞靈雨亦難恒若者也必在酌堯舜之至道舉祖宗之成法復修義倉以救歉歲則黎人絕水旱之困陛下釋憂勤之念君逸無勞乃合至道足食無患斯謂雍熙豈臣率心竇聞方冊又臣伏以賦稅之道理化之源必資考古酌今以通其變俾為經制豈利因循各具狀別隨表臣其中謝伏以聖心屬念惟在黎元微臣蠢愚嘗歷州府敢以所見備於上聞徒竭誠請理猶未明

輕冒宸嚴不勝隕越

論萊州置監牧及和市牛羊奴婢表

張廷珪

臣廷珪言竊見國家於河南北和市牛羊及荆益等州
市奴婢擬於登萊州置監牧此必有人謂頃歲以來軍
裝所資國用不足或將見陶朱公公孫弘卜式之事而
為陛下陳其策耳臣愚以齷齪小算有損無益不足為
盛明天子行法於代也何以明之彼三人者實為匹夫

藉空虛之地罄勤勞之力畜牧積歲增致千金苟以一家言之其計得也今聖朝疆域四海臣妾萬方天覆地載莫非所有而欲必取於人從牧於國何示人之不廣而近樹私也况和市遞送所在騷然公私煩費不可勝計臣聞諸古人曰百姓足君孰與不足百姓不足君孰與足蓋君之與人上下同體無所間也今河南牛疾甚處十不一存傷農豈徒百姓而已又今牧童取其牛在將者下俚尤要一無此十一字一則利其孳產二則不廢營農

家家保之豈願輒賣今雖和市甚於抑奪百姓之望是
牛再疫而農重傷此則有損無利一也頃者諸州雖定
估價既緣併市則雖平準加其簡擇事須賄求侵刻之
端從此而出牛羊踴貴必倍於常百姓私賠則破家業
一作雖官得一牛一羊而百姓已失兩牛兩羊價矣此
則有損無利二也登萊之境是稱海隅因之水氣加以
風迴秋則早寒春則晚煦深山大澤咸生蛟虵一作若
置群牧必多死損此則有損無利三也高原之田百姓

耕植下濕之地不堪放牧若奪百姓高處兩州皆失丁田至于牛羊復相踐暴久長如此闔境不安非直百姓被侵蓋失國家租賦則有損無利四也且又荆益等州

親

疑是和

市奴婢多是國家戶口姦豪掠來一入於官永

無雪理况南北既遠風土非宜乍到登萊必生疾疫此則有損無利五也且方今東泊滄海西泊流沙亭障多虞甲冑未息戎機調發歲時相繼由是丁兵逃散戶口流亡略舉大凡十有數四陛下天憐黔首光啓玄猷將

命使臣分道巡撫簡而靜鎮難必又安矧乃征伐外繁
徵求內廣欲使萬方兆庶安堵復業亦猶剪烏之翼而
望其騰鶩一作飛騰脫魚之鱗而願其遊泳臣又聞之君所

恃者人人所生者食食所資者耕耕所恃者牛廢耕則
去食去食則無人人無以生君將何恃然則牛者君國
字人之本豈可無故一旦取之哉臣又度羊之為湏非
軍國切要假命畜牧能遂繁滋三數歲間億萬可致陛
下豈可鬻之於外蕃射其利為用乎又可鬻之於中土

割其命為資乎牛之為損則如彼羊之無益則如此臣
雖愚戇知其必不可也伏願陛下特加審慎詳圖損益
諸有所和市及新置監牧等儻迴聖慮即日停絕天下
蒼生豈勝幸甚昧死上奏以聞

文苑英華卷六百十六

欽定四庫全書

文苑英華卷六百十七

宋 李昉等 編

刑法一

刑法表凡三卷英華所編失年代先後今正之

諫將殺櫟陽尉魏禮臣表一首

論薛子雲等表一首

諫侯君集等下獄表一首

見六百九十七卷

諫大赦後遷配王世充竇建德黨與表一首

論廢宮官屬表一首

請更不窮逐竇智純表一首

請停春殺高敦禮表一首

論刑獄表二首

諫將殺櫟陽尉魏禮臣表

太子

朱子奢

臣伏見櫟陽縣魏禮臣為斷河池

一作池陽

縣令崔文康事

失情奉勅解任禮臣不伏詣堂上表稱御史阿曲請更

推問若一事有虛乞戮都市大理奉勅更為勘當今大

理奏禮臣枉御史不阿勅令依其折辯賜以極法伏尋

禮臣斷事乖僻正合解免不知甘罪吞聲更復上聞天
聽恩勅重問虛實乃確執不移論其愚蔽朝野同忿然
陛下君臨萬寓子愛蒼生一無失所載懷夕惕矜愚泣
罪帝王盛事乃至如此禮臣橫訴止當上表不實律有
明條今便賜以極刑恐傷過重且死者不可復生斷者
不可重續縱欲思僇改謬安可得乎所以矜獄念刑
歷代斯重又聞禮臣母氏年齒極高餘生垂迫前途
無幾一旦逢此情何可言伏惟陛下日昃忘勞申理寃

屈所以四方士庶咸湊闕庭今欲遂殺禮臣悠悠之徒
惟言禮臣上表被誅不知愚昧獲死後有欲自理者必
懷此懼恐容納之道或有所虧謹以奏聞伏聽勅旨

論薛子雲等表

太宗

顏師古

臣師古言伏見宣勅別將薛子雲竇善衛二人釋禁引
見此實陛下聖德寬仁垂恩宥過固非愚慮所能測量
然臣之區區竊有管見犬馬微志不敢隱默臣聞殺生
威權帝王之所執而憲章法律臣下之所奉子雲等身

居五品足知禁令捕獲罪人已就拘執計其本犯又非死刑遂乃違法恣心擅行殺戮是無憚也詐云格殺表奏求賞是罔冒也陛下付法司推窮事須歸實而遞相枝

蔓

一作雲搜

希冀恩澤挾偽干真是要君也自古節義之人

亦有讓死之事皆為臨危遇厄事不獲已愛敬君親亡身棄命豈如子雲等明白故犯懷詐藏姦朋黨比周違經亂法於義無所取於禮無所勸其罪不可恕其源不可開且法司之體職當察獄義無縱濫不得阿容二

人雖則讓辜主司須定實罪不言殺人之道何者合坐
專述相讓之辭以為盛美亦非守職務據正法也若使
二人皆承則不知罪之所在如其二人並諱復欲何以
斷之臣聞愚者之言聖人擇焉脫有可採伏願許察輕
塵聽覽伏增戰慄

諫侯君集等下獄表

見六百九十七卷

岑文本

諫大赦後遷配王世充竇建德黨與表

太宗

孫伏伽

臣聞王言無戲自古格言去食存信傳舊唐書作聞諸舊典

故書云爾無不信朕不食言又論語云一言出口駟不

及古以此而論言之出口不可不慎伏惟陛下光臨區

宇覆育羣生率土之濱誰非臣妾絲綸一發取信萬

方使聞之者不疑見之者無惑陛下今月十唐書無十字二

日發雲雨之制光被黔黎無所間然公私蒙賴既云常

赦不免者皆赦除之此非直赦其罪亦是與天下斷當

許其更新以此言之但是赦後即便無事因何王世充

及建德部下救後始欲遷之此是陛下自違本心欲遣

下人若為取則若欲子細推尋逆城之內誰無罪者

唐書

作人誰無罪故書云殲厥渠魁脅從罔治若論渠魁充等為

首渠魁尚免脅從何辜且古人云跖一作躠狗吠堯狗吠

二字一作蓋非其主在東都城內及建德部下乃有與陛下

積小故舊編髮友朋猶尚有人敗後始至者此等豈忘

陛下皆云被擁故也以此言之自外踈者竊謂無罪又

書云非知之艱行之惟艱上古以來何代無君所以祇

稱堯舜之善者何也直由為天子者實難善名難得故也往者天下未平威權須應幾而作今四方既定設法須與人共之但法者陛下自作之須自唐書作還須守之使天下百姓信而畏之今自為無信欲遣兆人若為信畏哉故書云無偏無黨王道蕩蕩無黨無偏王道平平罪賞之行達乎貴賤聖人制法無限親疎如臣愚見王世充建德下偽官經赦合免責情欲遷配者請並放之則天下幸甚

論廢宮官屬表

太宗

許敬宗

臣聞先王慎罪務在

一有於字

恤刑往哲寬仁義在

一有於字宥

過聖人之道莫尚乎

一作干

茲竊見廢宮官寮五品以上

除名棄斥頗歷溫寒

一作歲時

但庶人疇昔之年身處不疑

之地包藏悖逆陰結宰臣所預姦謀多連宗戚禍生慮

表非可防萌宮臣

一作內

官僚迥無闕預今乃投鼠及器

孰謂無寃焚山燬玉稍同遷怒伏惟陛下至德欽明哀

矜庶類聖情冥感昭格上玄是天監孔明重申靈命神

襟喜愈慙加率土爰詔寬鞫覃被普天惟此數人未沾

洪造伏尋先典例有可原昔吳國陪臣則爰絲不坐於

劉濬昌邑中尉則王吉免緣於海昏譬諸樂布乃策名

於彭越比乎田叔亦委質於張敖主以克迷悉陷

一作其陷

誅夷臣以賢良皆荷

一作荷彼

收擢歷觀往代此類尤多近

者有隋亦一作又遵斯義楊勇之廢罪止加於佞人李綱

之徒皆不預於刑網古今裁其折衷史籍稱為美談而

今張玄素令狐德棻趙弘智裴宣機蕭鈞等並砥節礪

操有雅望於當朝經明行修播令名於天下或以直言而遭箠朴或以忤意因一作見猜嫌一槩雷同並罹天憲恐於王道傷在未弘臣早預藩寮深蒙錄舊趨左右二十餘年伏見絲言每求輿誦所懷狂狷輕敢以聞

一作皆舊唐書本傳

請更不窮逐竇智純表

太宗

褚遂良

臣遂良言竇智純不自循名陷於險薄既是陛下近親由來之所詣委然智純戚屬使任女為王妃結髮從戎

實惟故舊書言昔在唐堯以親九族陛下憲章前事自
須進退以禮方今刑網寬大不以疑罪與民弘基所注
箭射舍中事已非實智純自藏獨樹狀又難明所以刑
部大理各相得失陛下已出智純為開州刺史便是貶
責正當處分已畢今之餘事只是窮逐語言但智純戚
屬貴望親姻既蒞職居官布在朝野相逢談說言議是
常兼復其婦積病在床命懸朝夕即日刑部官司及在
朝士皆不欲陛下更窮此事設令實推得智純自藏獨

樹誣弘基家人刑名指歸殊非重大况又事跡曖昧猶未分明若久窮逐便成苛細生於物議虧損至德如臣愚見伏願更施天澤赦其所短情存故舊不失善聲即日在外議論如此臣猥居諫職不敢不聞塵黷聽覽伏增戰慄

請停春殺高敦禮表

高宗

薛元超

臣某言臣蒙非分恩澤一朝拔擢至此跼影兢魂惟思報效伏惟天皇開直言之路不棄芻蕘臣之區區敢陳

微欵伏見近日秦揚州人高敦禮詐宣勅乘驛馬採藥
其日奉進去不得至秋即決敦禮犯狀實當萬死但以
罪非惡逆據法合至秋分臣聞聖人者德配二儀則天
之為政今既勾芒戒序時屬發生禮稱仲春之月無焚
山林言順陽而養物也仲秋之月申嚴百刑亦順陰而
肅殺也古人有云姦偽者與造化俱生自然之氣也是
知掩義隱賊出自帝鴻毀信廢忠生於少昊以今海內
之廣何得全無姦偽天皇踐極以來恒已寬仁被物故

中外禔福區宇乂安以太平之時闡和平之化若其政

察非所以

一作謂

上遵玄老之風伏請稽諸彛典暫迴聖

慮臣識不及遠輒申愚見懼不瓦合伏增戰慄

論刑獄表

文粹作諫除濫刑疏 武后

朱敬則

長壽中

臣聞李斯之相秦也行申商之法重刑名之家杜私門

張公室棄無用之費捐不急之官計日受功

一作惜日愛功疾

耕急

文類作亟

戰人繁國富遂

一作乃

屠諸侯此救弊之術也

故曰刻薄可行於進趨變詐可陳於攻戰兵猶火也弗

戢將自焚也既而

二字一作况

鋒鏑既已

一作

銷石城又毀即

諒一作

可易之以寬大

秦一作

潤之以淳和八風之樂以柔

之三代之禮以導之秦則不經

一作秦既不然

淫虐滋甚往而

不返卒至土崩此不知變之禍也陸賈叔孫通之事漢

王也當滎陽成臯之間糧饋已窮智勇俱困不敢開一

說効一奇惟進豪猾之材薦貪暴之客及區宇適平干

戈尚戢金鼓之聲未息傷痍之痛尚聞二子顧盼雍容

綽有餘態乃陳詩書說禮樂開王道謀帝圖高皇帝忿

然曰吾以馬上得之安事詩書乎對曰陛下馬上得之

可馬上理之乎高皇默然如是陸賈著新語叔孫通定

禮儀始知天子之尊方覺帝王之貴一無此句此知變之善

也向使高皇排二子而不收一作恐非教置詩書而不顧重

攻戰之吏尊首級之材複道爭功張良已知其變拔劍

擊柱吾屬不得無謀即晷漏難踰何十二帝乎亡秦是續

何二百年乎故曰仁義者聖人之蘧廬禮經者先王之

陳迹然則祝祠文粹作辭向畢芻狗須投淳精已流糟粕可

棄仁義尚捨况輕此者乎自文明草昧天地屯蒙三叔

流言四凶搆難不設鈎距無以應天順人不峻一作刑

名不能文類作無以推姦禁息一作暴故置神匱一作器開告端

曲直之影必呈包藏之心盡露神道助順一作直無罪不

除人心保能文粹作穿無妖不戮以茲妙筭窮造化之幽深

用此神謀盡一作入天人之秘術故能計不下席聽不出

闡蒼生晏然紫宸易主大哉偉哉無德而稱也豈比造

功鳴條大戰牧野血變草木頭折不周可同年而語乎

然而急趨無善迹促柱少和聲拯溺不規行療饑非鼎
食即向時之妙策乃當今之芻狗也伏願鑒秦漢之得
失考時事之合宜審糟粕之可遺覺蘧廬之須毀見幾
而作豈勞終日乎陛下必不可偃蹇太平徘徊中路伏
願改法制立章程下恬愉之詞流曠蕩之澤去文粹
斐之牙角頓姦險之鋒銛杜告密之源絕羅織之跡一作

室羅織之源

使天下黎人

一作蒼生

坦然大悅豈不樂哉

一作皆舊唐書本傳

同前 武后

徐堅

臣聞上天之道先春而後秋聖人制法外刑而內禮故
知三辟之設王者不得已而用之今帝命惟新六合光
宅遠無異望邇無異言亦宜安彼反側示以寬典臣
竊見神都諸部勘當所尋有勅停勅迄至于今猶尚
追攝豈非勘當使等志希僥倖執斯刻薄以為己能
哉長姦濫之源傷醇和之化伏願即停之臣又聞書有
五聽慮失情實也今著三覆恐致虛枉也比見有勅勘

當反逆令使者得實便決然人命至重死不可生儻萬
分之中有一不實欲訴無路懷枉誰明飲恨吞聲赤族
從戮豈不痛哉此不足以肅姦逆而明典刑適所以長
威福而生疑懼臣望絕此處分依法覆奏則死者甘伏
知泣辜之恩生人歡悅見詳刑之意又法官之任人命
所懸若不簡擇恐招枉濫諸官僚之內有用法寬平為
衆所稱者願親而進之處事深酷不允民望者願踈而
退之囹圄無冤億兆幸甚臣又聞罰不及嗣虞帝之明

規罪不至孥漢君之茂德故郤芮作亂而郤缺登朝嵇
康被刑而嵇紹入用終能立功白狄効死湯陰千載美
談斯為稱首父子猶其若此餘親尚何疑哉竊見逆人
之親選曹廣責無親無服亦數十條士子之中十將三
四今聖人在上寶命惟新有道賤貧實為深恥遂令此
等長從遐棄懷才抱器將何望哉是以聖意哀矜頻降
恩制令同常例各使坦懷姚璠之徒皆逢委任而在下
僚列不識天心苟求微疵不弘大體又準勅逆人周堂親

不得任京官及兩畿三輔官準法刑戮總麻親不得充
近侍宿衛臣望申勅有司勅令逆人外不得輒為勸責
收其賢能示之曠蕩斯巍巍之德作範百王穆穆之風
垂裕千祀伏惟皇帝陛下二儀合德百姓為心一物不
安納惶興想竊見關西戶口負募赴都聖旨含弘不言
差送是以樂住之色數萬餘家受使之人苟徼勞効務
選高戶抑此陪郭然高戶之位田業已成安土重遷人
之恒性使者強送黽勉進途一人怨嗟或傷和氣數千

餘戶深宜察之臣望令檢勘先投牒樂住者並令赴都
其差定陪郭者各任還貫若神都須人雍同等州先有
工商戶在洛者甚衆令檢括蕪簡樂住之人微有資財
情願在洛城者並酬其宅舖之地令漸修立則洛城不少
於邑戶黎庶得安於本業此管子所謂順於人心施弘均
養之人則臣希冀痊平有朝覲之望容居散秩免負乘
之憊無任悃迫之至

文苑英華卷六百十七

欽定四庫全書

文苑英華卷六百十八

宋 李昉等 編

刑法二

為百僚請加王慈徵等罪罰表一首

百僚賀恩制逆人親屬不為累表一首

為將軍程處弼謝放流表二首

為蘇宏暉謝罪表二首

謝免罪表一首

為人謝放父罪表一首

請寬宥與張易之往還人表一首

請代父死表一首

為百僚請加王慈徵等罪罰表

武后

李嶠

臣某等言伏見逆人王慈徵等並擢自凡庸累承恩獎
遂得叨榮秩職此禁戎任切爪牙寄同心膂而忠勤之
志莫效於鷹鷂悖逆之愆反同於梟獍向使邪謀不洩

陰計遂成將恐變起宮闈禍生肘腋此實靈祇之所切齒臣子之所寒心若但寘以恒科委之常憲何以明大慙之愆咎杜元凶之覬覦望請汙其宮室輟之都市用遵雷電之象允叶春秋之義則衣冠塞望夷甘心無任憤切之誠謹冒死陳請臣某等誠惶誠恐頓首頓首死罪死罪謹言

百僚賀恩制逆人親屬不為累表

武后

前人

臣某已下文武官九品以上二千七百五十人等言臣等伏見今月九日恩制緣逆人親屬有能公勤清白者自當隨材擢用不以為瑕宜各坦懷佇收來効臣等仰承恩造伏誦德音感戴屏營忭舞相屬臣某等誠歡誠喜頓首頓首死罪死罪臣聞父殛子興聖賢忠厚之教身死宗戮季末陵夷之道或罰不及嗣或禍并其族淳朴浸往惻隱不逮於昆蟲一作蚊法令滋章網羅必及於麇卵天厭淫虐誕興明聖掃百王之餘弊張網羅而更

理去貪殘而遂生育品物昭蘇哀獄訟而緩虔劉寰瀛
凱懌刻薄之風盡敦厚之化流猶且締想納隍凝情溝
壑在予之旨固以一作刑于萬方拯物之心豈直解其三

面日者亂臣干紀巨猾滔天將傾渤海之流且觸崑山

之柱陛下傷澆浞之為變弔管蔡之不臧法雷電之威

誅而不怨

一作怒

用春秋之義斷必以情擢其髮而葬其

尸殲其魁而宥其黨漢主三夷之法黜而不行秦皇九
族之刑矜而莫用至若瓜連萍託枝附葉隨或玉石難

分或淄澠易混俱削嫌疑之迹豈從寬大之文遷州貶縣纔示於小懲竄海投沙尚班於榮級則是我有大造於羣克也而聖慈無已天澤踰隆並運四時乃錫造於平分之外不遺萬物尚加惠於曲成之表使枯朽之榦向秋而更榮窮涸之鱗在轍而能躍藏其疾而含其垢責其效而要其功雖魏士之私於外朝獲安反側商人之染於汙俗咸與維新無以匹此含弘方斯滌蕩陛下祚始鄴鎬嗣周家之忠信卜於瀍洛承夏鼎之休明三

后在天日歆於盛德四夷為守永慕於高義方當鬼神
降福豈止黎庶歸心臣等沐道昌期叨榮顯列觀太平
之德禮聽中和之詩頌雨露之施徒仰於財成天地之
仁豈議於酬答無任欣戴踴躍之至謹詣朝堂奉表陳
賀以聞臣某等誠歡誠喜頓首頓首死罪死罪謹言

為將軍程處弼謝集作放流表武后

陳子昂

冀土臣某言臣以殃豐姪構凶逆臣合宗族誅戮以顯國

刑不謂天慈哀矜宥從寬典全臣骸骨生竄遐荒窮魂
再造以崩以躍臣某中謝臣聞忠臣事君如子事父窮
痛之至則呼所親何者君父恩深臣子懇切況臣蒙陞
下恩遇如子於母今為子不孝為臣不忠長辭闕庭永
歿荒裔悲窮痛恨荼毒誰依即使朽骨埋魂長滅泉壤
懇誠莫展幽翳明恩實恐隱慝於君不盡臣節明神誅
殛瞑目貽殃輒敢隳裂肝心罄竭誠懇殘喘冒死期少
謝恩伏惟聖母神皇陛下哀矜集作垂察臣某中謝臣

聞犬馬賤畜尚知主恩草木無心猶感德化臣雖駑獯

不足比人負榮懷恩能無感激臣山東孤賤

一作子

朝無

親故性識愚鈍才無可堪非能矯迹立方

一作身

飾行軌

物假借名譽為時吹噓遂得宿衛階墀忝職郎將勤勞

莫紀尸素已多任經十有三年竟無一階升錄臣之駑

劣於此可見而貪榮冒寵尚不知歸陛下應天受圖恢

纂大業又不以臣駑鈍特見褒昇擢任中郎委以心膂

在職未幾即校檢將軍纔逾一年又加正授未盈三載

貴顯朝端寵渥隆崇莫與臣比臣每刻肌骨曉夜思惟臣以何功謬私天造超羣越輩顯赫明朝應由臣天性

專愚志一守直

一作志
守一直

行不負物心不愧神盡忠事君

竭力養母所以聖慈幽鑒曲昭懇誠寵任無疑委同親近不然愚臣何取

集作
以

叨此殊私

集作
恩

臣克險罪深母

不終養爰初邁疾以至終亡天慈再三降醫賜藥酒脯珍膳繼踵臣門優問慇懃若同親戚臣之子母何德於天子貴母榮恩禮重疊臣誠不孝至頑至嚚蒙此恩榮

豈無感戴臣愚性為善不願人知非敢自矜用為僥倖

皇天后土實見赤心臣往任郎將之日陛下特以臣貧

賜錢

集作銀

及綵臣以天恩非分矜憫賜臣懷戴之心祈

懇宜報遂用於天宮寺寫經造像半為聖主半為老親

臣以君親之恩所宜並報報是常理不合人知自爾造

成實

集作一

無知者臣今日獲罪不合上言實以事君之

心所宜罄盡善惡有隱恐負赤誠况

集作恐

臣長沒黃泉

無見聖日區區之意安可不陳臣每以陛下恩深微臣

命淺常願湮宗滅族獲報萬分何圖誠効未申凶孽先
集逆天反道背德孤恩汙辱門宗虧缺臣節此臣所以
椎心泣血仰天號跳長負陛下之恩終無上報之日煩
冤屠一作荼毒心肝以糜比者待罪幽囚已合殞身碎首
為奉陛下賜書示諭照察臣心所以捧戴偷生假息殘
喘今已蒙寬刑集作法兄弟獲全投竄遐荒甘禦魑魅臣
之慶賴復何可言所恨亡母棄背即遭此禍几筵塗炭
孤魂煢煢存者流離亡者哀痛辛酸幽顯為代所悲應

由臣不孝不忠延此禍酷何以面目下

集作將

見先臣何

以心顏拜辭天闕生死無措永訣於今即以某月日部

勒妻子奔波就道即應死滅結草幽泉伏願母母神皇

陛下至尊寶神為萬姓加膳天下禔福以祐蒼生壽如

集作若南山永永無極不勝戀慕感咽之至

為將軍程處弼謝放流表

武后

前人

臣某言臣無教訓家有逆子臣合湮

集作汚

宗滅族以顯

國刑天慈哀矜放徙流竄臣為慶賴已是非圖今日日

遂蒙天恩以臣所坐流刑特從釋放窮骸朽骨一朝再

生踴躍章惶再崩再隕

前篇作固
知所措

臣某中謝臣山東孤

子朝無親故智

集作
性

識愚魯非有材能陛下超羣越輩

崇以榮寵昔任郎將十有三年遂無涓埃一階昇錄自

陛下踐極謬荷恩私冒寵叨榮超絕時輩越徙郎將檢

校將軍纔逾一年即加正授皆是宸眷非有因人寵渥

崇隆

前篇作
隆崇

莫與臣

前篇
作為

比臣之孤賤貴

前篇
作榮顯知慙

臣又凶殃積罪甘投魑魅孤負陛下之恩永為遐荒之

鬼肝腦塗地無以微酌豈謂天造曲矜恩及枯骨收骸
溝壑反魄幽泉使魑魅窮魂重生聖日糞土殘命不滅
荒陬負集作荷德戴恩萬死無報不勝感荷再生之慶

此篇五百九十卷重出前已削去

為副大總管營

集作屯管

大將軍蘇弘暉謝罪表

后武

前人

臣聞獫狁不恭周王致其大戮將軍失律漢制被其嚴
刑未有逆命矯天而逋釁鼓之罰亡師沮衆遂寬戴社

之誅伏惟天冊金輪皇帝陛下肅恭上帝子育羣生萬國所以宅心百蠻由其屈膝而契丹克狡敢竊邊陲毒虐生靈暴殄天物皇兵順伐仗仁義以龔行窮寇姦回

憑險阻而猶鬪臣等仁虧聖畧

知集作智

昧詭圖遂以熊

羆之師挫於犬羊之旅誠合結纓軍壘抵罪國章陛下以堯舜深仁且緩三苗之伐禹湯罪己不與萬方之辜遂得齒劍餘魂更叅授鉞之任死綏之魄復同挾纊之恩四夷慕義以來甦三軍感恩而忭躍

集作踊

瘡痍再起

俘馘是圖將士同心誓雪孟明之恥殤魂共憤思抗杜回
之讐臣等殉義忘生報恩惟死不勝集作任感激慶戴之至

同前武后

前人

臣某言伏奉某月日已前赦書赦臣萬死纔削見任官
秩還復本將軍名始慶再生即榮寵命宛轉踴躍感戴
慙惶臣某中謝臣聞鑿門受拜集作律本合忘生對敵臨

戎殉節惟死此乃國家恒典軍政嚴科臣妄以薄集作庸

才謬叨重任不能深圖遠筭馘醜推凶以宣廟畧之威

永息邊人之患屬以軍前挫衄士卒奔亡臣後繼驅馳

戰鬪交合川谷地險客主勢殊步馬相懸左右受敵決

死爭命

集作決
命爭死

力盡途窮遂以貔貅之師衄於犬羊之

衆誠合

集作
宜

刎首謝罪

集作
國

殺身報國

集作
恩

陛下弘湯

禹之仁務寬大之典愚臣同孟明之侶遂免嚴誅白骨

在榮丹慊未泯誓將枕戈嘗膽殄逆梟凶躬為士卒之

先以雪殤魂之憤肝腦塗地少答鴻私不勝荷戴再生

榮幸之至

謝免罪表

武后

前人

臣某言今日日司刑少卿郭某奉宣勅旨以臣所犯特從放免伏對恩命魂魄飛揚臣某中謝臣已蜀微賤名教未聞陛下降非常之恩加不次之命拔臣草野謬齒衣冠臣私門宗祖幽顯榮慶豈止微臣一身而已臣宜肅恭名節上答聖恩不圖誤識凶人坐緣逆黨論臣罪累實一作死有餘辜肝腦塗地不足塞責陛下弘慈育之典寬在宥之刑矜臣草萊憫臣愚昧特恕萬死賜以再

生臣身首獲全已是非分官服具在臣何敢安臣若貪

冒寵私覲顏恩造復塵舊職以玷清猷螻蟻微心實慙

面目伏見南

集作西

有未賓之虜北有逆命之戎尚稽天

誅未息邊成臣請束身塞上奮命賊庭効一卒之力答

再生之施庶陛下威命綏動

集作服

荒夷愚臣罪戾將補

萬一若臣獲死鋒鏑為厲犬戎

集作羊

古人結草實臣懇

願不勝大造再生荷戴之至

為人謝放父罪表

集作為張著作謝父官表

武后

前人

臣某言臣父某守官不謹獲罪自躬犯非清廉法宜不赦

實由臣為子不孝使臣

集無臣字

父陷刑憲天恩不盡

集作肅

嚴科放全首領臣得父子相見已是非圖豈謂天澤無

涯更垂休命臣父子兄弟免罪從榮載惶載殞實慶實

躍臣某中謝臣父子凡品守道幽微天恩矜憐

集作憫

見

垂採錄叨承恩幸廁列陪臣自得侍奉已來於今十有

八載雖藝業無紀勞勩不聞小心恭勤實免憊過明明

昊天實昭實察不敢有二不敢有私夙夜兢兢悚

集作祇

惕若厲所以父母兄弟皆荷恩私叨職謬官並在

集作預

供奉摩頂至趾豈足上酌愚臣兢兢實慙夙夜

集作實慙不

意臣父昏

集作衰

耄恃寵忘公貪潤微財取犯朝憲應由

集作是

臣不忠不孝使

集作事

父無良廉恥不修幾諫有闕

遂使陷於刑法玷國憲章

集作有玷國章

臣之萬死無補此責

刻肌刻骨泣血泣天恨負聖恩以媿朝列臣宜代父蒙

罪自殞闕庭不合偷安尚求苟免誠以天波昭洗得更

自新以忍垢偷生克躬自勵冀將集作期効萬一補過酬恩

灰軀糜骨以甘心願伏惟神皇陛下恩同父母矜照懇

誠信臣集作其赤心實有罄竭云云

請寬宥與張易之往還人表 中宗

張廷珪

臣聞國之威柄在於賞罰賞中則人知勸罰中則人知

沮二者苟得則四海獲安二者乖宜則萬人無措况陛

下始復初業一作先業甫登寶位率土顯然欽佇聖化凡欲

興一作舉事亦何容易外有竊議臣請盡言至如張易之

兄弟窮罪極逆蒼生苦之良有歲月憑託城社無所告
訴陛下仁聖明斷憂在黎元一朝誅夷孰不慶忭在於
親故並合徙坐然量宜制法理或未弘何者然也臣歷
觀自古以來革故即新之際莫不先行誅戮以服衆心
此皆素無人望理藉如此今陛下先朝子孫唐德未改
乃天地之眷人祇之望非陛下而誰誠宜布恩施德以
答之崇仁尚寬以理之豈更誅夷以虧至德况易之兄

弟榮盛多時趨附之徒天下大半欲盡殺之則罪不加
衆欲少殺之則法難畫一在都城者乍可有數遍四方
者未知幾人反側者多不可不察安之之理必在於寬
自非至親及於謀首請一原宥令其自新仁風大行在
斯一舉臣無任云云

請代父死表

玄宗

張不耀

開元初

臣某言臣聞哀哀父母生我劬勞欲報之恩昊天罔極
臣父文成充使不了特寘嚴刑罪小責深不勝冤苦街

衢驚歎長幼咸嗟皇天后土實所鑒照臣聞有理不申
枉填溝壑臣子情切骨肉恩深請以微軀代父當死乞
寬父之殘命展愚臣之孝心伏乞天命俯垂矜察不耀
萬死猶荷再生臣父朝無近親孤宦獨立苗疎難植根
淺易危無風而自倒不寒而自戰李全交接邪作蠱舞
法弄權虐甚周興酷殊來俊枉陷良善以立己功惡貫
已盈貪殘事敗不慙顏厚猶事糾繩不懼皇天仍居憲
府罪輕責重其枉實深但恨明時虛編咎悔疑伏願陛

下採輿人之誦聽左右之言乞不濫無辜庶冤魂重返
即臣雖死之日猶生之年不任酷裂之至冒死投匭以
聞



文苑英華卷六百十八